

《替身》

周香蓮

第一幕：學校飯堂

角色：崔祺，子君，正華，家玲，同學甲

（眾人坐在飯堂的桌子前，正討論遠足之事）

崔祺：後天的遠足怎麼樣？我問過人了，他們都說八仙嶺最好玩，最刺激。

子君：八仙嶺係就係好玩，但係果度好大架喎，得我哋幾個，好易蕩失路架，不如搵安全 D 架啦！

正華：係囉，你哋仲要全部都係女仔，得我一個男仔，有咩事我搞唔掂架！

家玲：不如去麥理浩徑啊！果度一嚟多人行，二嚟 D 路多車，又安全，好唔好啊！

崔祺：吓！唔好啦，果度好悶架，我小學都去過啦，我哋依家 F4 喇，唔好禁幼稚啦，去八嶺先夠刺激加嘛！

（眾人相互望了一望）

青怡：咁好啦，你話事啦，要自己帶齊物品啊，唔好似上次咁，咩都唔帶啊。

（崔祺四處張望，扮作若無其事）

青怡：唔駛周圍望喇，我係話緊你啊！

崔祺：你放心，我今次實帶齊嘢既，我仲要帶埋風箏去添。

子君：放風箏？唔好啦，一路行山一路放風箏好危險架。

崔祺：有幾呀？咁先好玩加嘛，我哋 F4 喇，唔似 F1 啊，後生仔要活潑 D 先得

架嘛，下下怕危險，咩都唔駛做啦。

正華：你唔好咁任性啦，果度 D 路好斜架，如果你要放風箏既話，我哋去郊野公園啦，好唔好？

崔祺：唔得啊，我放渣嘛，又唔係你哋，有事我唔會賴你哋架喎！

（眾人露出無奈表情，這時同學甲手持可樂走過來）

同學甲：崔祺，呢支可樂請你飲既，當多謝你上次幫我借到本書。

（把可樂遞上前給崔祺）

崔祺：我唔要啊，快 D 擺開佢啊！

（露出抗拒的樣子）

同學甲：收回可樂，你嫌佢 CHEAP 得滯呀？

青怡：佢一向對可樂都敏感架，飲左會唔舒服架。

同學甲：唔好意思啊，我下次買過第二樣嘢啊。禁我走先喇。

（同學甲走開）

子君：崔祺，你仲放唔低貓貓果件事呀？

（崔祺默不作聲）

正華：係囉，都唔係全部你既錯，你都唔想架嘛

子君：你都係咪咪渣嘛，你都唔知佢飲咗可樂會死加嘛！

家玲：係囉，就算換左我哋，都可能會犯咁既錯架，我哋都唔知貓不可以飲可樂架

子君：你唔好再怪改自己啦，咪咪唔會怪你架

崔祺：但係如果唔係我任性架話，佢唔會死架，佢好乖架，最衰都係我……

（崔祺低聲地說）

子君：我咪講過囉，係意外嚟架，咪咪唔會怪你架

崔祺：但係我成日都會發夢見到佢架，佢郁都唔郁咁望住我……

（低聲和害怕地說）

子君：唉，好啦，我哋講返 D 開嘢啦，青怡，你要記住帶你部 DV 啊，攝影師呢個任務就交俾你喇

青怡：放心啦，包喺我身上（青怡拍著胸口說）

家玲：我負責帶午飯……

（眾人又再次討論遠足的事）

（灯熄，第一幕完）

第二幕：醫院

角色：崔祺爸爸，媽媽，弟（崔賢），正華，家玲，青怡，醫生，護士

（灯亮）

（崔祺睡在病床上，臉上和頭上都包紮著，四周一片白色）

（媽媽手拿著保溫瓶走到病床邊坐下）

媽媽：祺，你快 D 醒返啦，唔好嚇阿媽啊，阿媽好擔心你啊

（聲音沙啞，眼淚流出）祺……祺……你快 D 醒返啦

（一把聲音輕輕地傳出，“崔祺……崔祺……”）

（崔祺的頭在微微動著，心裏喊著“誰……你是誰……崔祺？你是崔祺嗎？我個頭好痛啊……”崔祺反覆著）

崔祺：（低聲讓著）啊……唔好放手啊，抓緊，唔好放手啊……子君……啊

（崔祺大聲地啊了一聲，接著坐起床，睜大眼，喘著氣）

媽媽：你醒喇！你終於都醒了，嚇死爸爸媽媽喇，你已經昏迷左幾日喇

（媽媽又哭又笑地說著）

崔祺：呢度係邊度嚟架？

媽媽：呢度係醫院，哎呀，要快 D 打俾爸爸，等佢唔駛擔心先。

（從手袋中取出電話，撥電話給爸爸）

媽媽：爸爸，阿女佢無事喇，醒返喇，未啊，未通知醫生啊，好啊，咁你快 D 嚟啦……（掛上線，回頭看了看崔祺）

（呆呆地坐在床上，眼睛一動不動地看著前方）

媽媽：阿祺，阿祺，點解唔講嘢啊？唔好發呆喇，唔好嚇媽媽啊！我唔係開心到呆咗，我真係好驚連你都去埋，唉，唔好再提 D 禁唔開心既嘢喇，一切都沒事喇，真係佛祖保佑啊！

（邊一連串地說著，邊合雙手拜著）

（崔祺眼睛仍然望著前方）

媽媽：點啊，肚餓呀？醫生好快就嚟架喇，唔駛驚。你等我一陣，我去餐廳買 D 嘢俾你食。

（撫一撫崔祺的頭髮，轉身走出病房）

崔祺：我點解會喺度？（呆呆地）爸爸媽媽呢？（坐在床上，眼睛望著前方）

（崔祺躺在床上，爸爸，弟弟，媽媽，醫生入）

爸爸：醫生嚟喇，我個女醒左喇，唔該你快 D 睇下佢啦

（爸爸熱淚盈眶，醫生走到病床邊，幫崔祺作檢查）

（崔祺睜開眼睛）

醫生：睜大眼給醫生叔叔睇下先……幾好，精神唔錯，你認唔認得佢哋啊？

崔祺：（眼望著前面的人，不開聲）

醫生：妹妹，做咩啊？你唔認得佢哋啊？

崔祺：（仍然眼望住前邊）

媽媽：祺，你做咩唔出聲啊？

爸爸：囉？係唔係唔舒服啊？話俾醫生知啦

崔祺：你哋係邊個啊？點解會喺呢度既？（驚恐，抱著被）

媽媽：（哭）阿女啊！我係媽咪啊，你唔好嚇媽咪啦！醫生，佢點解會咁架？
（抓住醫生）

醫生：唔好咁緊張，昏迷之後，醒返既病人，通常都有 D 咁既情況架，唔好太擔心，等我哋幫佢做個詳細檢查就知架喇

爸爸：佢唔會永遠都係咁架！係唔係啊，醫生

醫生：依家答唔到你！妹妹，（轉向阿祺）你真係唔知佢哋係邊個？

弟弟：家姐，家姐，你做咩唔出聲啊，唔好唔記得細佬啊

（弟搖祺的手，祺沒反應）

醫生：不如你哋返去先，遲 D 再嚟探佢啦，你哋返去抖下先啦

爸爸：媽媽，你呢排都無乜點抖過，反正阿祺都醒返咯，都等佢抖下啦！（輕拍媽媽）

媽媽：但係……但係，阿祺佢……（哭）

爸爸：（揮著媽媽）返去先啦，抖下先再講啦轉向阿祺，輕拍他的手，阿祺忙縮）你都抖下啦，爸爸媽媽走走喇！細佬，唔好阻住家姐喇！

弟弟：（望住祺，不捨）家姐，拜拜。

（眾人出）

（燈向著祺）

崔祺：（拉了拉被褥躺下）我點解會喺呢度既，爸爸媽媽呢？好驚啊……好驚，點解會咁既，我……我……

（燈息）

（燈開）

（子君母，子君父，祺父，祺母入）

子君母：阿祺，你醒返喇

崔祺：（微微張開眼見子君母立即坐起來）媽媽！

（眾人驚愕）

崔祺：（向著子君父，母）爸爸媽媽，我點解會喺呢度既？

祺母：阿女，媽咪喺呢度啊！（衝上前抱著祺）

崔祺：（掙扎著）你係邊個啊，做咩捉住我啊？

祺父：阿祺，你做咩啊，爸爸喺度啊，媽媽，你睇住阿祺，等我去搵醫生（父出）

子君父：係囉，阿祺，爸爸媽媽喺果邊啊！（指著祺母）

祺母：（哭）你唔好嚇阿媽啊，阿媽得你一粒女架咋！

崔祺：（抱著子君母）你哋做咩啊，爸爸媽媽你哋唔要我喇？我都唔識佢哋既

（醫生與祺父入）

祺母：醫生，你快 D 睇下我個女喇，佢唔認得我哋啊……（祺母哭）

祺父：唔好咁傷心啦，媽媽，醫嚟㗎喇，無事架…（摟著媽，安慰）

醫生：妹妹，唔好驚，我係醫生叔叔啊！你認唔認得啊？噏，你放開伯母先啦，等叔叔同你睇下……好唔好？

君母：係囉！等叔叔幫你檢查下啦！

崔祺：（與子君母拉扯著）唔好走啊，媽媽……

子君母：我唔走，我行開叔叔先可以檢查架嘛（祺輕輕放手）

醫生：係囉，乖啦，好，話俾叔叔聽，邊個先係爸爸媽媽啊？

崔祺：（祺看了看子君父，母）佢地囉！

（祺母哭）

醫生：肯定自己有認錯？（祺搖頭）

崔祺：無啊！

醫生：咁再話俾我聽，你叫咩名？

崔祺：我叫魏子君

（眾人驚恐，子君母哭）

子君父：媽咪，唔好咁啦！會嚇親阿祺架！（輕摟子君母）

祺母：（搖頭）唔會架，係喺我個女啊，你係崔祺啊？（衝上前，抱著祺）

崔祺：（恐慌）你做咩啊？爸爸媽媽……我唔識佢哋架。放手啦（掙扎）我唔要見到佢哋啊！

祺父：（向前拉著祺母）冷靜 D 先啦，聽埋醫生講先啦！

醫生：照依家睇嚟，佢應該係混亂左自己既身份，但係，檢查報告已經出左，你個腦完全冇事。

祺父：但係佢點解會咁既？

醫生：依家我都唔可以即刻答到你，我哋要再評估先得……不過唔係擔心，返去先啦，探病時間都就嚟過喇，唔駛擔心。

祺父：係囉，不如我哋返去先啦……媽媽，返去先啦。

祺母：（不情願）我想陪阿祺啊，俾我陪阿祺啦。（落淚）

祺父：你喺度都無用架啦，你睇阿祺，佢……返去先啦，好唔好？

醫生：係囉，你哋大家返去先啦，唔駛擔心，呢度有姑娘睇住，返去囉，妹妹，你自己抖下先啦，探病時間過喇，佢哋要走喇

崔祺：爸爸媽媽（望住子君父，母，子君父，母回避眼神）你哋可唔可以叫家玲佢哋嚟探我啊！（望住子君父，母）

子君母：（看了看祺父）點了點頭

祺父：我哋走喇，聽日再嚟探你。（祺仍舊望著子君父，母）

子君父：好啦，你抖下先啦，拜拜。

祺母：你要咩就叫護士喇，小心 D 喇……（不捨）拜拜

崔祺：拜拜（失望）

(眾人出)

(燈光射著祺，佢坐在床上)

崔祺：點解爸爸媽會咁既？好似唔想理我咁既？仲有我明明叫魏子君，點解佢哋叫我阿祺既？雖然我同阿祺好 FRIEND，但都唔駛掉亂我哋架。不過由小學到依家，D 人都叫我哋仔公仔架啦，實係媽媽佢同我講笑喇……不過，聽日就可以見到阿祺佢哋喇，我要養好精神先得……

(燈開)

(正華，家玲，青怡入，崔祺正在躺著)

家玲：我哋可愛既睡公主，你終於都醒喇（開心地嚷著）

(正華放下生果)

崔祺：嘩，你哋嚟左喇，見到你哋真係開心喇高興地說)

正華：真係俾你嚇死喇，一訓就幾個禮拜，以為自己真係睡公主啊？我哋已經冇左子君……（正華認真地說）

青怡：喂，正華，唔好再講喇，唔係講左唔提既咩！（忍著內心的傷心說）

崔祺：（瞪著眼睛）吞吞吐吐咁，唔講就算啦。咦！點解唔見阿祺既？佢冇嚟呀？係唔係補習啊？（崔祺東張西望搜尋著）

(眾人愕然)

家玲：你……你講多次（瞪著崔祺）

崔祺：點解唔見阿祺既，我好掛住佢啊，叫佢唔好（匿）埋啦！

(眾人相望)

崔祺：（大聲嚷著）如果冇嚟就算喇，點解一個個都呆晒，好似見到外星人咁？

青怡：阿祺！你冇事丫嘛？（青怡與家玲衝上前，各自握著崔祺的手臂）

家玲：你咪係阿祺囉！唔好嚇我哋啦！（搖著崔祺的手臂）

正華：你唔好玩啦！一醒返就玩我哋，仲係咁任性（正華不安地說）

崔祺：你哋唔好玩就真啊！我點會係阿祺啊，我係子君丫嘛！你哋咁快唔認得我嗰？（笑著說）家玲，青怡，做咩啊？

（兩人呆呆地看著對方）

正華：你再講一次你係邊個？（正華驚訝地說）

崔祺：（指著正華）你係正華，我係子君，我依家搵阿祺，你地一個二個做咩呆晒啊？（看著眾人）

家玲：（急得眼淚也流出來）你係阿祺啊！你係阿祺啊！子君跌左落山，死左喇，你唔記得嗰？（緊握著崔祺的手臂）

青怡：（看著祺）果次，我哋一齊去遠足，你失足……（搖著祺的手臂）

崔祺：唔好搖我啦！快 d 放開我隻手啊！家玲，青怡抓到我好痛啊！我個頭就嚟俾你哋搖到爆喇，放手啦，我都俾你哋搞到亂晒喇！我咪係子君囉，咩子君死左啊？咩失足，你哋究竟講緊乜啊？

青怡家玲：阿祺，阿祺（大呼著）

家玲：阿祺暈左啊，快 d 叫醫生啦……

（眾人跑出）

（灯射住祺）

崔祺：阿祺，阿祺，係唔係你啊！你終於嚟左喇，點解我見唔到你既？唔緊要。我哋就咁傾計啦。頭先正華佢哋嚟過，仲話我係你嗰，又話咩你死左咁，你話好唔好笑喇。你依家咪喺度同我講野囉。佢哋越嚟越離譜喇，玩到咁大，不過爸爸媽媽都好似有 D 唔妥咁，佢哋好似唔似以前咁鍾意我咁。佢哋又話你失足跌落山，又話我係你。講真啦，我真係好掛住你啊，你今朝冇嚟探我，我真係好唔開心啊，不過你依家嚟左，都算啦。

（青怡，正華，家玲，醫生入）

青怡：醫生，你快 D 睇下佢啦，佢暈左啊

家玲：佢仲認錯左自己添啊

醫生：（上前檢查）你哋係佢地咩人啊！

正華：我哋係佢好朋友

醫生：（點頭）其實佢既家人都知架喇，崔祺確實係將自己同魏子君既身份掉轉咗

家玲：點解會咁既？係唔係佢個腦有問題啊？

醫生：其實佢個腦一切正常，因為我哋幫佢做左個詳細檢查，係一 D 問題都冇既。不過可能受左過度既刺激，一時接受唔到，先會咁既啫

青怡：點解佢會認錯自己既？連跌落山既事都唔記得左

正華：會唔會係佢唔想記得呢？可能佢覺得自己做錯左，潛意識話俾佢聽不想記得 D 唔開既事，所以以為自己係子君，隱藏自己既錯誤呢？

醫生：亦都有咁既可能。我哋會盡快安排佢見心理醫生架喇。咁你哋陪下佢先啦，我哋會遲 D 嚟睇佢架喇

（醫生出）

青怡：講真啦，果日唔係阿祺，任性要喺山坡度放風箏，就唔會失足，子君亦都唔會因為抓住佢而一齊碌左落山，子君就唔會因為撞到舊石頭而頭骨爆……而死……（哭）

家玲：青怡，唔好再講啦，唔好再講喇（搖頭，激動）

青怡：家玲，你唔係咁認為咩？子君既死，你唔傷心咩？子君佢冇錯架，佢唔應該死既，子君佢咁好人，佢唔……應該……死架，唔係因為阿祺性性……（大哭，衝出病房）

正華，家玲：青怡，青怡，你去邊啊……（轉身追出）

（灯射住祺，祺躺著開口）

崔祺：點解會咁架，點解會咁架，唔會係咁架，你哋亂講，厄人既，咩我任性，咩我任性，搞到子君死左？唔會架，我咪係子君囉，我係啊……（激動）唔係，唔係，我係崔祺？唔係，我係子君，我唔想再諗喇，唔好逼我，唔好逼我……）

（灯熄）

（閉幕）

第三幕（醫院）

角色：祺母，子君母，崔祺，醫生

崔祺：媽媽，我每日都住喺醫院，好悶架（望住子君母）

（子君母望著祺不語）

崔祺：雖然世伯同伯母差唔多日日都嚟探我（望住祺母），但係我想返學，返屋企啊！而且我都有病，住左幾個月醫院好悶啊

祺母：留喺醫院可以抖下丫嘛，唔好扭計啦

崔祺：如果我返左屋企，伯嚟屋企探我仲好啦，仲可以倍媽咪傾吓計添（望著子君母）媽咪呢排好似唔開心咁，而且家玲佢哋返學又好耐都有嚟探我喇，阿祺又成日都話唔得閒……（無奈）

子君母：（低頭飲泣）

祺母：（上前，輕拍其肩）佢……佢……對唔住啊！

（醫生入）

崔祺：叔叔，我好想出院啊！（不開心）

醫生：妹妹，你真係想返屋企呀？

崔祺：係啊！

醫生：但係你未好返晒喎，不如咁啦，我放你一日假，等 D 朋友陪吓你，好唔好

崔祺：好啊！好啊！媽咪，好唔好啊？（想望子君母）

子君母：（望住祺母，祺母點了點頭，輕聲說）好啊！

祺母：下個禮拜係你生日，我聽家玲佢哋話同你慶祝，約埋佢哋一起嚟伯母屋企玩，好唔好啊？

醫生：係囉，同 D 朋友玩吓，可能對佢有幫助架！

崔祺：就咁一言為定架喇，仲有一定要叫阿祺嚟架。不過，我想返屋企多 D

祺母：嚟伯母屋企好，伯母屋企多嘢玩 D，又大 D，你知阿祺架啦，鬼死咁鍾意玩，屋企 PS2 又有，打鼓機果 D 一大羅，嚟伯母屋企玩啦！

崔祺：咁又係，阿祺不嬲都鍾意 D 新嘢，玩咩都識，唔似我，咁淨係識讀書，最多得閒行吓街，係唔係啊？媽咪（。望住子君母）

子君母：（含著淚，點了點頭）子君就係咁，淨係鍾意讀書，仲年年都考頭幾名添（開始落淚）

祺母：（含淚，輕說）對唔住，對唔住啊！

崔祺：做咩啊，媽咪，唔好喊啦。我以後會好乖嚟架喇。我以後要做一個最乖既女，等個個講起魏子君，都讚，好唔好啊？仲有，你哋之前係咁話我係阿祺，真係嚇死我喇……真係啊，爸爸媽媽都會認錯自己個女……

子君母：（突然大叫）唔係，唔係，你唔係子君，唔係……（跑出病房）

祺母：（驚愕）

崔祺：媽咪，媽咪，你做咩啊……（恐慌）

祺母：（含著淚安慰）媽咪呢排做野有 D 唔開心，冇事既，唔好驚，冇事既……等我去睇吓佢，無事既

崔祺：但係媽咪佢……佢唔認識我啊……（流淚）

祺母：傻啦，你聽錯左咋，無事既，乖乖，等伯母出去睇吓！

崔祺：唔該伯母幫我睇住媽咪，我真係驚佢有事啊！

祺母：我……我出去搵佢……（轉身，低聲說）我先係媽咪，我先係媽咪啊！
（跑出病房）

（燈光射住祺）

崔祺：點解媽咪會咁既，點解佢要話我係阿祺？我明明係子君，但係點解佢咁個個都好似唔知咁既？唔通媽媽好唔開心，同埋唔鍾意我？不過，唔緊要啦，過幾日就係我生日，媽咪應該會開心 D 既

（燈息，閉幕）

第四幕：崔祺家

（開幕）（燈亮）

角色：青怡，家怡，正華，崔祺

（眾人在打機，桌上放滿食物）

正華：到我未啊？邊有女仔好咁鍾意打機架！（不耐煩）

青怡：咩冇啊，咪我哋囉！

家玲：你做咩唔打啊，你以前爭住玩架喎。（向前祺）

崔祺：哈，你知我不嬲都唔鍾意 D 咁既嘢架啦，你估我係阿祺咩，咩都玩餐飽。

青怡：阿祺……啊……。唔係，子君，可唔可以擺罐汽水俾我啊！

崔祺：算你改口改得快，不過你等陣先，我去一去廁所。

家玲：唉，佢仲係咁，以後唔通真係要嗌佢子君咩？

青怡：有咩辦法啫（無奈）我最驚係伯母佢哋咋，日日見住自己個女叫自己伯母，而另一個日日見住個不同樣既女，唉……

家玲：我哋仲呢佢話子君今日都嚟添啊，今日係子君生忌，阿祺就當左係自己生日，唉，我都唔知喊好定笑好

正華：唔好講喇，阿祺聽到就慘架喇，留返我搞掂啦……

崔祺：（洗手間出到廳中取汽水）咦，點解阿祺仲未到既？

正華：哦，差 D 唔記得左，頭先你去廁所果時，子君打電話俾我，話佢今日要考琴，唔可以嚟啊（不自然）

崔祺：HA，唔會架，你哋話佢之前話會嚟既，等我打個電話俾佢添。

青怡：（忙拖住崔祺）唔好阻住佢啦，你知佢幾緊張考琴架啦，你打俾佢咪會影響佢囉……

家玲：係囉，係囉，我哋玩咪一樣

正華：唔好唔開心啦，今日係你生日喎，笑吓啦。（扮鬼臉）

家玲：係囉，我哋一齊影相啦，跟住切蛋糕，好唔好？（拖著祺）

青怡：喂，正華，你仲唔醒水，渣機啦。

（眾人擺好姿勢影相，正華渣機）

崔祺：影得靚唔靚啊，我要睇，我教我用啦。

（正華教祺用 DV）

青怡：喂，你哋過嚟幫手湛汽水啦！

正華：你自己睇啦，我過去幫手（走到青怡身邊）

（祺自己看相，越看面色越變）

正華：過嚟啦，阿祺，你仲未睇睇完呀？

（崔祺沒有反應，仍舊看著數碼相機的屏幕）

家玲：阿祺，你做咩啊？（大聲叫）

崔祺：（大叫）唔會架，唔可能架……（不斷搖頭）

眾人：阿祺，係咩啊？（青怡，家玲抱住阿祺，希望祺冷靜）

（阿祺掙扎）

正華：（拎起相機）佢睇左遠足果日拍果 DVIDEO 啊！

（灯轉向舞台另一則）

（青怡，家玲，祺，子君出）

（祺執著風箏，各人背著背囊，行山狀）

崔祺：點解個紙鳶飛極都咁低既？

子君：阿祺，你睇住啊，呢度 D 路好斜架

青怡：係囉，要人好似湊仔咁湊你，咁大個仲係咁，話極都唔聽。

家玲：好心你就學下子君啦，讀書又叻，又乖

正華：唉，你算罷啦，阿祺點變都唔會似子君架啦

崔祺：咩喎，子君係乖啊，你哋夠學唔到好似佢咁咯（不忿）

子君：好喇，唔好嘈喇，嘩，你睇下果個湖幾靚，正華，快 D 怕低佢啦……
（興奮）

青怡：係喎……

子君：阿祺，你睇住啊！

崔祺：得喇~得喇~唔好嘈我啦……（不耐煩）

（眾人皆看著遠處的湖）

崔祺：啊……（祺差錯腳，跌在腳下的雜草叢，子君摸上去，抓著她的手）

子君：抓實啊……阿祺，抓實啊

正華：子君你支持住啊，我落嚟救你……頂住……

青怡：快 D 打電話報警啦……

家玲：（撥電話）快 D 通啦……

兩人：頂住啊！正華落緊嚟架喇

祺子君：啊……救命啊……

眾人：阿祺，子君……祺……

（眾人呆）

（燈熄）

（燈射回祺家裏）

(眾人極力抱著祺)

崔祺：(突大叫)我唔係阿祺，唔係……唔係(不斷搖頭)(眾人呆)唔係，我係子君，唔係，我係阿祺，啊抱著頭，大叫)話比我聽，我唔係阿祺，求吓你(大哭，祺呆立)唔會架，子君唔會死架……

眾人：唔好咁啦(安慰)

崔祺：(跪在地上，大哭)係我害死子君架，係我啊！係我害子君架，我……

眾人：阿祺，你唔好咁傷心啦，子君唔會怪你架……(眾人哭，安慰祺)

崔祺：(指住自己，不斷說)係我害死子君架，係我啊……

眾人：冷靜D啊，祺，你冷靜D聽我哋講(搖著祺)

(祺呆)

(一黑衣人出，在桌邊)

家玲：你聽我講啊！你唔好再怪你自己啦，子君根本就冇嬲過你，真架，你知子君份人架啦，佢明你唔想架，係意外啊……唔關你事架，子君見到你咁，會好傷心架，你明唔明啊……(哭)佢淨係想你冇事咋

(黑衣人不斷點頭)

崔祺：(呆)對唔住，對唔住啊，子君，(哭)你原諒我啦，你原諒我啦……

(黑衣人不斷點頭)

崔祺：對唔住啊！我以後會生性架喇……

(燈熄)

(幕閉)

全劇完